



CUMÜN DA SENT



Il mas-chalch da Sent

Publicaziuns officialas. Cumpara seguond bsögn.
2012-2014
no. 30

7554 Sent, 9 avrigl 2014

Uraris d'avertüra dal büro cumünal sur Pasqua

Il büro cumünal ais serrà sur Pasqua sco segua:

Da venderdi, als 18.04.2014 **la bunura**
Fin lündeschdi, als 21.04.2014 **la saira**

Nus giavüschain a tuot la populaziun bella Pasqua.

Administraziun cumünala
Cussagl cumünal

La deponia la Fuorcha es averta a partir da subit

Tenor il permiss concess da l'uffizi per natüra ed ambiaint es admiss da depositar be material inert sco terra, crappa, s-chart da üert e flus giò la deponia da la Fuorcha. Na admiss sun tuots aldüms, chargias fain e strom. Per frus-chaglia, rests da laina e patütsch es il deposit previs sül plazzal da la laina sur la deponia ingiò chi vain da temp in temp fat zappaditsch landroua. Displaschaivelmaing as sto constatar chi vain repetidamaing deposità tant giò la deponia da la Fuorcha sco eir sül plazzal da la laina material na admiss.

- **Per pudair depositar material inert, frus-chaglia rests da laina e patütsch giò la deponia da la Fuorcha e sül plazzal da la laina es in avegnir necessari d'annunzchar in ouravant pro'l manader tecnic (078 627 23 27) o pro'l silvicultur (079 413 05 66) chenün e quant material ch'id es previs da depositar. La clav po gnir retratta pro els.**
- La deponia es averta seguaintamaing:
 - **il marcurdi davomezdi cun annunzcha al marcurdi avantmezdi**
 - **la sonda tuotta di cun annunzcha al venderdi davomezdi**

Per deposits plü gronds as po cumbinar oters termins.

Cussagl cumünal

Tscherna dal nouv pedel pella chasa da scoula

Il cussagl cumünal ha tschernü a Silvio Vital sco nouv pedel pella chasa da scoula. A Silvio gratulaina per sia tscherna e giavüschain tuot il bun e satisfacziun in sia nouva professiun.

Cussagl cumünal

Avis: Palperi vegl

In marcurdi, als 23 avrigl 2014 a partir da las 8.00 ramassaina palperi vegl.



Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e taschas da plastic e da palperi sco eir chartun nu sun admiss).

Scoula da Sent

Resultat da votumaziun / fusiun dals 6 cumüns

Cun plaschair e satisfacziun ha il cussagl cumünal tut cugnuschentscha dal cler resultat cul qual ils da Sent han acceptà il contrat da la fusiun dals 6 cumüns. El ha eir baja da quella grondiusa quota da partecipaziun, dimena la plü gronda da tuots ils 6 cumüns da bundant 77% e da la part chi ha dit da schi da bundant 72%. Quel votum ais ün segn da fich gronda fiduzcha illa gruppa da proget ed in tuots ils respunsabels chi sun stats involvats. Il cussagl exprima quattras a tuot seis abitants ün cumplimaint ed ün cordial ingrazchamaint per quel votum bain ponderà.

La lavur però cumainza pür ed i sta avant üna lunga e pretenziusa via. Culla basa chi'd ais gnüda datta als 30 da marz as poja inchaminar quella via cun optimissem. Il cussagl appella a l'incletta ed a la pazienza da minchün chi bsögnarà fin cha'l char rodla a satisfacziun da tuots.

Cussagl cumünal

Proget sanaziun via Stron e Surataglia

A partir dals 31 da marz fin ca. ils 10 da mai vegnan effectuadas las lavuors da sanaziun sül trajet Stron - Davo Stron (chasa famiglia Planta)

Dürant quel temp ais serrada la via dal chant da Stron fin pro la chasa da la famiglia Planta. Il trafic vain svià sur Plan da Muglin – Surataglia, veiculs plü gronds ston transir sur Vastur.

Davo vegnan effectuadas las lavuors illa giassa Stron – Surataglia.

Il cussagl cumünal sperescha sül'incletta da minchün e giavüscha da tour cugnuschentscha.

Cussagl cumünal

Proget sanaziun chasa da scoula

In connex cullas lavuors da fabrica da la prüm'etappa da la sanaziun da la chasa da scoula nu po gnir fat adöver da l'infrastructura da la chasa da scoula, da la sala da gimnastica sco eir da las plazzas da scoula.

Quai vala per las seguintas periodas:

-

28 avrigl	fin als	19 mai 2014
23 gүн	fin als	25 avuost 2014

Nus giavüschain a tuottas societats da cumün ed a terzas personas da tour cugnuschentscha e da resguardar quist fat.

Cumischiun proget sanaziun chasa da scoula

Plazza da sport "Palüzot": Ballapé per creschüts

Davo las vacanzas da scoula, als 23 mai, ans chattaina mincha venderdi a partir da las 20.00 illa piazza da sport Palüzot per giovar a ballapé. Tuot ils creschüts sun fich bainvis. Nus ans allegrain da pudair giovar bels gös da ballapé sün nossa piazza da sport.

Ils trenaders da ballapé dals scolars

Radunanza generala da la Corporaziun evangelica

La radunanza generala da la Corporaziun evangelica vain bannida per gövgia, als **24 avrigl 2014** a las **20.00** illa saletta da la chasa da pravenda.

Tractandas:

1. Salüd
2. Tscherna dombravuschs
3. Protocol da la rad. generala dals 24 avrigl 2013
4. Rapport annual da l'actuar
5. Rapport annual dal ravarenda
6. Rapport annual uras da religiun
7. Rendaquint 2013
8. Rapport da las revisuras da quint
9. Preventiv 2014 e pè d'impostas
10. Orientaziun regard nouv ravarenda
11. OTRAS orientaziuns
12. Ingrazchamaint
13. Varia

Davo la radunanza vain sport ün aperitiv.

Cussagl da baselgia

Ravarenda

La raspada evangelic-refuormada da Sent ha darcheu ün ravarenda.

Il cussagl da baselgia da Sent ha nomnà a Rolf Nünlist, 46 ons, oriund dal chantun Solothurn, sco ravarenda-provisur ed il cussagl da la baselgia chantunala ha approvà ün contrat chi vala ün on. Da preschaint fa Nünlist ün vicariat a Münsingen i'l chantun Berna. Il cumanzamaint d'avuost riv'el a Sent.

Davo ün on sco ravarenda-provisur po gnir Nünlist commember da la Sinoda evangelica retica. Lura po el eir gnir elet da la radunanza generala da la corporaziun evangelica da Sent.

Cussagl da baselgia

Giantars cumünaiVELS

Als 23 avrigl 2014 giantaina giò Sur En Sper La Punt / partenza davent da la posta a las 11.40h
Il viadi ais organisà. Annunzchas **081 864 07 59**.

Als 21 mai giaina vi San Jon. Il viadi ais organisà. Annunzchas **081 864 07 59**.

Men Juon ans ha invidà da far üna spassegiada in charozza. Nus sperain sün gronda partecipaziun. L'urari da partenza davent da Sent vain amo dat cuntschaint.

Nus sperain sün buna cumpagnia

Cussagl da baselgia

Exposiziun d'ouVras da Guglielmo Bazzell

La Grotta da cultura vess jent da realisar prosmamaing ün'exposiziun da purtrets dal cuntschaint artist indigen **Guglielmo Bazzell** („Memo“). Saviond ch'in diversas stüvas a Sent pendan pittüras dal artist, dumandaina als possessurs da talas ouVras, da tillas metter a disposiziun per quist intent.

Per plaschair s'annunzchar pro Tina e Jachen Puorger o pro ün(a) oter(-ra) collavuratur(a) da la Grotta!

Grazcha fich ouravant

Grotta da cultura

Vacanzas da pratcha dal meidi / Praxisferien

La pratcha dal meidi es serrada da **gövgia, als 1. mai 2014 fin dumengia, als 18 mai 2014**.

Sur il nomer d'urgenza dals meidis da chasa d'Engiadina Bassa **081 864 12 12** vegnan Els/Ellas colliats/colliadas d'ürant 24 uras al di e 7 dis l'eivna directamaing cul meidi da chasa chi ha servezzan.

Die Arztpraxis bleibt von **Donnerstag, 1. Mai 2014 bis Sonntag, 18. Mai 2014** geschlossen.

Über die Notfallnummer der Hausärzte des Unterengadins **081 864 12 12** erreichen Sie rund um die Uhr während 7 Tagen in der Woche direkt den diensthabenden Hausarzt.

Dr. med. Iris Zürcher



SOCIETA DA TREGANTS SENT PROGRAM DA TIR 2014

Trenamaints marcurdi e venderdi

Dals 16.04.2014 fin als 22.10.2014 mincha marcurdi tir da prova	18:00-20:00	Urezzas
Als mais gün e lügl	18:30-20:30	Urezzas
Il mais october	17:00-19:00	Urezzas
Dals 11.04.2014 fin als 29.08.2014 mincha venderdi tir da prova	18:00-20:00	Urezzas
Als mais gün e lügl	18:30-20:30	Urezzas

(excl. 18.04., 09.05., 30.05., 06.06., 22.08., (tirs districtuals, tirs obligatoric)

venderdi	11.04.2014	1. Tir da prova	18:00-20:00	Urezzas
venderdi	25.04.2014	Tir singul e gruppas	18:00-20:00	Urezzas
sonda	26.04.2014	Tir singul e gruppas	09:00-16:00	Urezzas
venderdi	09.05.2014	1. Tir obligatoric	18:00-20:00	Urezzas
marcurdi	21.05.2014	Tir champester anticipà	18:00-20:00	Urezzas
venderdi	30.05.2014	Tir champester	18:00-20:00	Urezzas
sonda	31.05.2014	Tir champester	09:00-16:00	Urezzas
dumengia	01.06.2014	Tir champester	09:00-10:30	Urezzas
venderdi	06.06.2014	2. Tir obligatoric	18:00-20:30	Urezzas
sonda	07.07.2014	Final maestranza da gruppas GR	prog.spez.	Cuoira
marcurdi-sonda	18.-21.06.14	1. Runda prinzipala GM	prog.spez.	Urezzas
marcurdi-sonda	25.-28.06.14	2. Runda prinzipala GM	prog.spez.	Urezzas
marcurdi-sonda	02.-05.07.14	3. Runda prinzipala GM	prog.spez.	Urezzas
sonda	05.07.2014	Coppa cumpagnia	13:00-19:00	Urezzas
sonda/dumengia	19./20.07.14	Tir chantunal FR	prog.spez.	Echarlens
marcurdi	30.08.2014	Match districtual	18:00-20:30	Urezzas
sonda	02.08.2014	Match districtual	09:00-12:00	Urezzas
sonda	16.08.2014	Maestranza chantunala	prog. spez.	Cuoira
venderdi	22.08.2014	Ultim tir obligatoric	18:00-20:00	Urezzas
sonda	30.08.2014	Final maestranza da gruppas CH	prog. spez.	Turich
sonda	04.10.2014	Tir da s-cheppas	09:00-18:00	Urezzas
dumengia	05.10.2014	Tir da s-cheppas	10:00-18:00	Urezzas

Al tir obligatoric esa da tour cun sai, il cudeschin da tir, l'invid da militar e ils Pamirs.

Mincha tregant es svesa responsabel dad esser a temp per podair trar!

il comité